

S T A T U T

***Udruženja/Udruge poslodavaca
komunalne privrede/gospodarstva u
Federaciji Bosne i Hercegovine***

Septembar/rujan 2014. godina

Na osnovu člana 14. Zakona o udruženjima i fondacijama (Službene novine F BiH br. 45/02.), i na osnovu člana 19. Statuta Udruženja, Skupština Udruženja/Udruge poslodavaca komunalne privrede u Federaciji BiH na svojoj XIV sjednici održanoj 18.09.2014. godine u Širokom Brijegu donosi:

S T A T U T

Udruženja/Udruge poslodavaca komunalne privrede/gospodarstva u Federaciji Bosne i Hercegovine

UVOD:

Član 1.

Udruženje/Udruga je dobrovoljna i nezavisna organizacija poslodavaca komunalne privrede/gospodarstva u Federaciji Bosne i Hercegovine, osnovano da predstavlja, koordinira, zastupa, štiti i unapređuje interese svojih članova.

Osnov rada i djelovanje zasniva se na demokradskim načelima svih članova Udruženja/Udruge i djelovanja njegovih organa.

I-OPĆE ODREDBE:

Član 2.

Ovim Statutom utvrđuje se: naziv, sjedište i područje na kojem djeluje Udruženje/Udruga poslodavaca komunalne privrede/gospodarstva u Federaciji Bosne i Hercegovine, djelatnost, svrha, programski ciljevi, uslovi i način u članjivanja i prestanak članstva, kao i prava, dužnosti i odgovornosti članova, upravnih tijela, način njihovog izbora, uslovi i način opoziva, trajanje mandata, način odlučivanja i odgovornosti, način stjecanja, korištenja i raspolaganja sredstvima, način donošenja odluke o prestanku rada, javnost rada, način donošenja Statuta, izmjene i dopune Statuta, pečat, štambilj, zastupanje i predstavljanje Udruženja/Udruge poslodavaca komunalne privrede/gospodarstva u F BiH (u daljem tekstu: Udruženje/Udruga).

II - NAZIV I SJEDIŠTE

Član 3.

Naziv Udruženja/Udruge glasi: „UDRUŽENJE/UDRUGA POSLODAVACA KOMUNALNE PRIVREDE/GOSPODARSTVA U FEDERACIJI BOSNE I HERCEGOVINE“

Skraćeni naziv je: „UPKP u FBiH“

Naziv Udruženja na englskom jeziku je: “ASSOCIATION OF EMPLOYERS OF UTILITY COMPANIES IN FEDERATION OF BOSNIA AND HERZEGOVINA”

Član 4.

Sjedište Udruženja/Udruge je u Sarajevu, ulica Jadranska bb, 71000 Sarajevo.

Član 5.

Udruženje/Udruga je pravno lice nastalo dobrovoljnim povezivanjem poslodavaca iz oblasti komunalne privrede u Federaciji BiH, radi unapređenja i ostvarenja zajedničkih interesa i ciljeva.

Udruženje/Udruga je svojstvo pravnog lica steklo upisom u registar Udruženja koji se vodi u Federalnom ministarstvu pravde u Sarajevu pod registarskim brojem 319. knjiga i registra, dana 13.12.1999. godine. Ostali upisi u Registru izvršeni su po Rješenju broj 04-05-2-3706/99. od 13.12.1999. i 04.08.2003. godine.

Član 6.

Udruženje/Udruga ima svoj pečat okruglog oblika, promjera 3 cm, u čijem je krugu ispisan tekst „Udruženje poslodavaca komunalne privrede u Federaciji Bosne i Hercegovine“ i štambilj pravougaonog oblika, promjera 2x5, na kojem je ispisan tekst „Udruženje poslodavaca komunalne privrede u Federaciji Bosne i Hercegovine“, broj i datum.

Član 7.

Udruženje/Udruga djeluje na prostoru Federacije Bosne i Hercegovine kao jedinstvenom ekonomskom prostoru.

Član 8.

Članstvo Udruženja/Udruge čine dobrovoljno udruženi članovi iz oblasti komunalne privrede, koji prihvataju Program rada Udruženja/Udruge i ovaj Statut.

III – SVRHA, DJELATNOSTI I PROGRAMSKI CILJEVI

Član 9.

Udruženje/Udruga je osnovano radi ostvarivanja sljedećih osnovnih ciljeva:

- Predstavljanje i zastupanje interesa članova u odnosima sa Granskim sindikatom i predstavnicima vlasti na svim razinama, uključujući i tijela lokalne samouprave;
- Zastupanje članstva u području kolektivnog pregovaranja i sklapanja Kolektivnog ugovora za komunalnu privredu u FBiH;
- Ostvarivanje utjecaja na poboljšanje i razvoj poslovnog i makroekonomskog okruženja;
- Saradnja sa istim ili srodnim domaćim, kao i inostranim i međunarodnim udruženjima i institucijama, kao i ostvarenje drugih interesa poslodavaca u oblasti ekonomske, porezne i politike zapošljavanja.

Član 10.

Radi ostvarenja ciljeva iz predhodnog stava, Udruženje/Udruga obavlja sljedeće djelatnosti:

- Kolektivno pregovaranje;
- Predlaganje neophodnih zakonskih, socijalnih i administrativnih mjera;
- Zastupanje članstva u ESV-ima;
- Podrška efikasnosti poslovanja komunalnih preduzeća i aktivnosti na poboljšanju uslova rada, standarda i kvaliteta rada;
- Davanje savjeta o privrednim problemima nadležnim organima vlasti kao i članovima Udruženja/Udruge, na svoju inicijativu ili po zahtjevu;
- Kreiranje prijedloga poslovnih politika i strategija;
- Predstavljanje članstva na sjednicama Parlamenta FBiH i njegovih domova, komisija i radnih grupa za izradu zakona, predstavljanje u zakonodavnim i

izvršnim tijelima na ostalim razinama vlasti, uključujući i tijela lokalne samouprave;

- Posredovanje u odnosima sa institucijama vlasti, međunarodnim organizacijama i sindikatima;
- Organizovanje savjetovanja i sličnih skupova za djelatnosti: prikupljanje i zbrinjavanje komunalnog otpada, vodosnabdijevanje, prečišćavanje i odvođenje otpadnih voda, proizvodnji i distribuciji toplote, distribuciji gasa, pogrebne djelatnosti, dimnjačarske djelatnosti, održavanju i uređivanju javnih zelenih površina, pijaca i tržnica, čišćenje, uređenje i opravka javnih saobraćajnih površina u naseljima i sl., radi ostvarivanja svojih interesnih i zakonskih ciljeva.
- Informisanje članstva i javnosti putem web stranice, elektronskih i printanih medija i sl.;
- Izrada projekata;
- Obavlja i druge djelatnosti u skladu sa ciljevima Udruženja/Udruge, koji su u skladu sa Zakonom i ovim Statutom.

Član 11.

U skladu sa svojim mogućnostima te stručnim, finansijskim i kadrovskim potencijalima, Udruženje/Udruga svojim članovima može obezbijediti učešće u sljedećim uslugama:

- pomoć u mirnom rješavanju sporova sa sindikatom;
- posredovanje u sporovima sa državnim institucijama i službama;
- organizacija prezentacija;
- posredovanje u domaćim i međunarodnim kontaktima;
- poslovno povezivanje.

Dio usluga iz predhodnog stava će obezbjeđivati svim zainteresovanim licima koja sarađuju sa Udruženjem/Udrugom.

Djelatnosti iz predhodnog stava ovog člana, Udruženje/Udruga ne može obavljati kao profesionalnu djelatnost na komercijalnoj osnovi.

Izuzetno, na osnovu odluke Upravnog odbora, Udruženje/Udruga može od članice koja je korisnik neke od usluga iz stava 1. ovog člana, tražiti pokrivanje materijalnih troškova.

IV – ČLANSTVO UDRUŽENJA

Član 12.

Članstvo u Udruženje/Udrugu je dobrovoljno.

Član 13.

Član Udruženja/Udruge može biti svako pravno lice koje obavlja komunalnu djelatnost na teritoriji Federacije BiH;

Član Udruženja/Udruge mogu biti i druge institucije i fondovi kojima je osnivač Općina, Kanton, Grad, FBiH i BiH, koji u svom poslovanju imaju aktivnosti na zaštiti životne okoline ili su na drugi način vezeni uz djelatnosti komunalne privrede;

Član Udruženja/Udruge može biti i pravno lice iz komunalne djelatnosti iz Republike srpske i Distrikta Brčko, ako posluje sa subjektima iz Federacije BiH;

Član Udruženja/Udruge može biti i strano pravno lice slične ili iste djelatnosti koje u FBiH ima podružnicu ili na drugi način obavlja svoju djelatnost sa važećim propisima BiH i koje dobrovoljno pristupi Udruženju/Udrugi na način propisan Statutom.

POČASNI ČLANOVI UDRUŽENJA/UDRUGE

- a) Fizička ili pravna osoba, koja svojim radom doprinosi ostvarenju ciljeva Udruženja/Udruge;
- b) Bivši Predsjednici ili članovi Udruženja/Udruge.

Član 14.

Status člana Udruženja/Udruge stiče poslodavac koji obavlja komunalnu djelatnost i koji popuni i dostavi Pristupnicu Udruženju/Udruzi. Pristupnica je punovažna ako je dostavljena u originalu putem pošte ili koja je dostavljena kao kopija putem faksa ili putem e-maila.

Status počasnog člana Udruženja/Udruge stiče se na osnovu odluke Upravnog odbora. Počasni član Udruženja/Udruge može biti fizičko ili pravno lice koje svojim radom doprinosi ostvarivanju ciljeva Udruženja/Udruge, kao i bivši predsjednici ili članovi Udruženja/Udruge.

Član 15.

Članstvo u Udruženju/Udruzi prestaje:

- a) Istupanjem člana;
- b) Isključenjem člana;
- c) Prestankom pravnog subjektiviteta člana;
- d) Stečajem ili likvidacijom Udruženja/Udruge,
- e) Smrću člana fizičkog lica.

Član 16.

Član može odustati od članstva u Udruženju/Udruzi u bilo koje vrijeme, tako što će Upravnom odboru poslati obavijest o svojoj namjeri da istupi iz članstva.

Članstvo prestaje po prijemu obavijesti, uz uslov da je predhodno podmario sva dugovanja po osnovu članarine.

Ako bilo koji član ne plati članarinu ni nakon 60 dana po isteku roka za plaćanje, bit će pismenim putem pozvan da plati članarinu.

Ako član ne plati članarinu ni po isteku roka od 6 mjeseci, Upravni odbor može donijeti odluku o njegovom isključenju iz članstva u Udruženju/Udruzi, o čemu ga mora bez odlaganja obavijestiti.

Upravni odbor može donijeti odluku o isključenju člana koji grubo krši Statut ili svojim postupcima nanosi štetu ostvarivanju osnovnih ciljeva i ugleda Udruženja/Udruge.

Član Udruženja/Udruge koji istupi ili koji je isključen iz Udruženja/Udruge dužan je izvršiti obaveze prema Udruženju/Udruzi dospjele do dana prestanka članstva i nema pravo na povrat uplaćene članarine.

Svi članovi Udruženja/Udruge imaju pravo da učestvuju u aktivnostima Udruženja/Udruge radi ostvarenja osnovnih ciljeva, da biraju i budu birani u organe Udruženja/Udruge i da ostvaruju druga prava i obaveze u skladu sa Statutom i drugim općim aktima.

Član 17.

Iznos mjesečne članarine utvrđuje Skupština Udruženja/Udruge donošenjem posebne odluke o visini članarine.

Član 18.

Članarina se može uplatiti i u većem iznosu od propisanog odlukom o članarini. Članarina se uplaćuje radi poticaja rada i pomoći Udruženju/Udruzi, te se u tom smislu može razumijevati dobrovoljnim prilogom.

Ukoliko po završetku poslovne godine, Udruženju/Udruzi ostanu neutrošena sredstva, Skupština Udruženja/Udruge može donijeti odluku o usmjeravanju tih sredstava u projekte od značaja za članstvo.

Član 19.

Na zahtjev članice Udruženja/Udruge, Upravni odbor Udruženja/Udruge može donijeti odluku o mirovanju članstva, najduže 1 godinu.

Za vrijeme mirovanja članstva članui Udruženja/Udruge miruju sva prava i obaveze koje proizilaze iz članstva u Udruženju/Udruzi.

V – PRAVA I DUŽNOSTI ČLANOVA

Član 20.

Prava članova su da:

- a) Bira i bude biran u organe Udruženja/Udruge;
- b) Bira i bude biran u organe i institucije u koje Udruženje/Udruga daje svoje predstavnike;
- c) Bude zastupan u kolektivnom pregovaranju i zaključivanju Kolektivnog ugovora;
- d) Traži zaštitu i savjete u svim pitanjima koja su u skladu sa ciljevima i djelatnošću Udruženja/Udruge;
- e) Koristi stručnu pomoć i edukaciju koju mu može pružiti Udruženje/Udruga;
- f) Organima Udruženja/Udruge daje prijedloge i mišljenja u vezi sa radom Udruženja/Udruge;
- g) Učestvuje u kreiranju globalne politike Udruženja/Udruge;
- h) Bude informisan o radu Udruženja/Udruge;
- i) Udruženje/Udruga posreduje u njegovim pregovorima sa sindikatom, tijelima zakonodavne i izvršne vlasti i međunarodnim organizacijama.

Prava počasnog člana utvrđuju se posebnim aktima koje donosi Upravni odbor.

Član 21.

Obaveze člana su da:

- a) Aktivno učestvuje u radu Udruženja/Udruge;
- b) Pridržava se Statutom utvrđenih prava i obaveza članova;
- c) Moralno i na drugi način podupire djelatnosti i ugled Udruženja/Udruge;
- d) Poštuje dogovorene standarde i odluke organa Udruženja/Udruge;
- e) Blagovremeno plaća članarinu;
- f) Čuva službene tajne Udruženja/Udruge;
- g) Čuva imovinu Udruženja/Udruge;
- h) Po pozivu da dolazi na sastanke organa i tijela Udruženja/Udruge;
- i) Ispunjava i druge obaveze u skladu sa Statutom i drugim aktima Udruženja/Udruge.

Član 22.

U znak priznanja za savjestan rad i posebne rezultate rada, Udruženje/Udruga može nagraditi i pohvaliti svoje članove. Pohvale i nagrade izdaju se u vidu zahvalnica, diploma i plaketa.

Odluku o pohvalama i nagradama donosi Skupština Udruženja/Udruge.

VI – ORGANI UDRUŽENJA/UDRUGE I ODLUČIVANJE U UDRUŽENJU/UDRUZI

Član 23.

Organi Udruženja/Udruge su:

- a) Skupština;
- b) Upravni odbor – organ upravljanja;
- c) Nadzorni odbor.

Član 24.

Skupština je najviši organ Udruženja/Udruge koja zasijeda prema potrebi, a najmanje jedanput godišnje.

Skupštinu saziva predsjednik Skupštine Udruženja/Udruge ili u njegovom odsustvu zamjenik Predsjednika Skupštine Udruženja/Udruge, pismenim putem najmanje 15 dana prije njenog zasijedanja.

Član 25.

Skupštinu čine predstavnici članova Udruženja/Udruge (direktori ili ovlašteni predstavnici članice Udruženja/Udruge).

Predsjednika i zamjenika Predsjednika Skupštine Udruženja/Udruge bira Skupština na period od 4 (četiri) godine i mogu se birati na tu funkciju ponovo.

Član 24.

Predsjednik Skupštine:

Predsjedava Skupštinom Udruženja/Udruge, stara se o primjeni Poslovnika Skupštine, prisustvuje sjednicama Upravnog odbora, može predložiti sazivanje sjednice Upravnog odbora, obavlja i druge funkcije za koje ga ovlasti Skupština, odnosno predsjednik Upravnog odbora Udruženja/Udruženja.

Član 25.

Skupština Udruženja/Udruge ima sljedeće nadležnosti:

- a) Donosi Statut, izmjene i dopune Statuta Udruženja/Udruge;
- b) Donosi i druge akte iz nadležnosti Skupštine;
- c) Utvrđuje stavove i daje smjernice za rad organa i tijela Udruženja/Udruge;
- d) Donosi odluke o prenosu pojedinih nadležnosti na Upravni odbor;
- e) Donosi Program rada Udruženja/Udruge;
- f) Donosi Finansijski Plan Udruženja/Udruge;
- g) Usvaja Izvještaj o radu Upravnog odbora;
- h) Donosi odluku o prestanku rada Udruženja/Udruge;
- i) Donosi Poslovnik o radu Skupštine;
- j) Bira i razrješava Predsjednika i zamjenika Predsjednika Skupštine;
- k) Bira i razrješava članove Upravnog i Nadzornog odbora;
- l) Bira i razrješava Predsjednike i zamjenike Predsjednika Upravnog i Nadzornog odbora Udruženja/Udruge;
- m) Usvaja izvještaje koje je pripremio Upravni i Nadzorni odbor;
- n) Odlučuje o formiranju Komisija, Radnih grupa, Stručnih timova i sl;
- o) Odlučuje o visini i načinu plaćanja članarine,
- p) Donosi odluke o spajanju ili udruživanju sa istim ili sličnim udruženjima ili organizacijama;
- q) Daje saglasnost na pravne radnje poduzete u postupku osnivanja Udruženja/Udruge;
- r) Odlučuje o svim pitanjima koja nisu u nadležnosti drugog organa.

Član 26.

Rad Skupštine Udruženja/Udruge bliže se uređuje Poslovníkom o radu Skupštine koji donosi Skupština Udruženja/Udruge.

Član 27.

Skupština može punovažno odlučivati ako je na sjednici prisutna natpolovična većina od ukupnog broja članova.

Svi članovi Skupštine imaju pravo glasa, a odluke se donose većinom prisutnih članova javnim izjašnjavanjem, u skladu sa Poslovníkom o radu Skupštine.

Člana Skupštine koji nije prisutan na Skupštini, može u glasanju zastupati drugi član Skupštine Udruženja/Udruge, uz ovlaštenje koje važi za tu sjednicu. Dato ovlaštenje važi i u slučaju prekida ili odlaganja sjednice do zaključenja Skupštine.

Na sjednici Skupštine se vodi zapisnik ili se snima, a zaključci i odluke se dostavljaju svim članicama, nadležnim institucijama i objavljuju u sredstvima javnog informisanja.

Član 28.

Rad Skupštine je javan. Sjednice Skupštine su redovne i vanredne.

Redovna sjednica Skupštine održava se najmanje jednom godišnje, po pravilu u sjedištu UPKP FBiH, a saziva je Predsjednik Skupštine.

Vanredna sjednica Skupštine se saziva prema iskazanoj potrebi i na zahtjev:

- Predsjednika Skupštine;
- Predsjednika Upravnog odbora;
- Većine članova Upravnog odbora.

VII/2 - UPRAVNI ODBOR

Član 29.

Izbor i imenovanje članova Upravnog odbora provodi se na osnovu odluke Skupštine Udruženja/Udruge. Skupština Udruženja/Udruge, na prijedlog Upravnog odbora, utvrđuje kriterije za predlaganje, izbor i imenovanje članova Upravnog odbora kojim se mora obezbijediti što ravnomjernija zastupljenost po osnovu djelatnosti, te regionalna, nacionalna i spolna zastupljenost.

Član 30.

Upravni odbor sastoji se od 21 člana.

Mandat članova Upravnog odbora Udruženja/Udruge je 4 (četiri) godine i mogu se birati na tu funkciju ponovo.

Član 31.

Upravni odbor ima sljedeće nadležnosti:

1. Predlaže Statut Udruženja/Udruge kao i njegove izmjene i dopune;
2. Priprema Prijedlog Programa rada Udruženja/Udruge;
3. Utvrđuje prijedlog Finansijskog plana Udruženja/Udruge;
4. Predlaže donošenje drugih akata koje donosi Skupština;
5. Provodi odluke, zaključke i druge akte koje je donijela Skupština;
6. Upravlja imovinom Udruženja/Udruge;

7. Podnosi godišnji Izvještaj o svom radu Skupštini Udruženja/Udruge;
8. Donosi odluke o nagradama i priznanjima;
9. Odlučuje o nabavkama, prodaji i otpisivanju vrijednosti osnovnih sredstava;
10. Osniva Komisije, stalna i privremena radna tijela;
11. U skladu sa stavovima Skupštine definiše zajedničke interese članova i određuje način zastupanja i ostvarivanja ovih interesa;
12. Određuje ovlaštenog revizora;
13. Obavlja i druge poslove koje mu povjeri Skupština ili koje su drugim propisima stavljeni u njegovu nadležnost.

Član 32.

Upravni odbor radi u sjednicama, koje se sazivaju po potrebi, a najmanje jedanput u dva mjeseca, a saziva ih Predsjednik, a u njegovom odsustvu zamjenik Predsjednika Upravnog odbora Udruženja/Udruge.

Upravni odbor može punovažno odlučivati ako na sjednici prisustvuje nadpolovična većina članova.

Odluke iz nadležnosti Upravnog odbora se donose običnom većinom glasova svih prisutnih članova.

U slučaju parnog broja glasova „za“ i „protiv“, odlučujući glas je Predsjednika Upravnog odbora.

Upravni odbor će donijeti Poslovnik kojim se bliže uređuje način rada i donošenje odluka na sjednicama Upravnog odbora.

Član Upravnog odbora može iz opravdanih razloga, pismeno ovlastiti drugo lice da ga zastupa na sjednici i glasanju.

Član 33.

Mandat članova Upravnog odbora može prestati i prije isteka vremena na koje su izabrani, odnosno imenovani:

- a) Podnošenjem ostavke;
- b) Istupanjem iz članstva,
- c) Smjenom ili ostavkom na mjesto direktora u preduzeću;
- d) Smrću i gubitkom poslovne sposobnosti.

Izbor drugog člana Upravnog odbora na mjestu člana kojem je prestao mandat, izvršit će se na osnovu prijedloga članova Udruženja/Udruge iz tog kantona.

Član 34.

VII/2-a – Predsjednik Upravnog odbora

Mandat Predsjednika i zamjenika Predsjednika Upravnog odbora Udruženja/Udruge je 4 (četiri) godine sa mogućnošću produženja mandata.

Mandat Predsjednika i zamjenika Predsjednika Upravnog odbora može prestati i prije isteka vremena na koje su izabrani u slučaju kada Upravni odbor 2/3 većinom svojih članova izglasa nepovjerenje.

Član 35.

Predsjednik Upravnog odbora je ujedno i predsjednik Udruženja/Udruge, predstavlja i zastupa Udruženje/Udrugu.

Predsjednika Upravnog odbora zamjenjuje zamjenik predsjednika u slučaju njegove spriječenosti, te obavlja poslove koje mu povjeri Predsjednik, Upravni odbor ili Skupština Udruženja/Udruge.

Član 36.

Nadležnosti Predsjednika Upravnog odbora su:

1. Rukovodi radom Udruženja/Udruge;
2. Rukovodi radom Upravnog odbora;
3. Predlaže Upravnom odboru kadrovska rješenja u Uredu Udruženja/Udruge;
4. Odlučuje o pravima i obavezama zaposlenih u Uredu Udruženja/Udruge;
5. Zastupa i predstavlja Udruženje/Udrugu;
6. Predlaže strateške pravce djelovanja Udruženja/Udruge;
7. Daje neposredne smjernice i uputstva za rad zaposlenim u Uredu Udruženja/Udruge;
8. Nadležan je za organizaciju Ureda, u skladu sa programskim ciljevima i djelatnošću Udruženja/Udruge;
9. Predlaže opće akte Udruženja/Udruge;
10. Predlaže razrješenje članova Upravnog odbora;
11. Predlaže zamjenika predsjednika Upravnog odbora;
12. Prisustvuje sjednicama Skupštine;
13. Sa Predsjednikom Skupštine utvrđuje dnevni red za sjednicu Skupštine;
14. Odgovara za zakonitost rada Udruženja/Udruge;
15. Provodi odluke i zaključke Skupštine, Upravnog i Nadzornog odbora;
16. Imenuje i razrješava lica za zastupanje Udruženja/Udruge prema odluci UO;
17. Izvršava i druge poslove koje mu povjeri Upravni odbor i Skupština.

Član 37.

Stručne, administrativne, pomoćne i druge poslove za Udruženje/Udrugu obavlja Ured Udruženja/Udruge.

Poslove u Uredu obaljaju sekretar i administrativno-tehnički referent.

Organizovanje sjednica, koordinaciju među Radnim grupama, Stručnim timovima i članovima Udruženja/Udruge, poslove informisanja i druge poslove za Upravni i Nadzorni odbor Udruženja/Udruge, obavlja sekretar Udruženja/Udruge.

- a) Sekretara imenuje i razrješava Upravni odbor na prijedlog Predsjednika Upravnog odbora Udruženja/Udruge;
- b) Uslovi za imenovanj sekretara su: VSS, iskustvo na poslovima iz oblasti komunalne privrede;
- c) Angažovanje sekretara može biti sa punim ili nepunim radnim vremenom, kao i na osnovu Ugovora o djelu.

Administrativno-tehničke poslove, koordinaciju, knjiženje i brigu oko materijalno-knjigovodstvenih poslova obavlja administrativno-tehnički referent.

Administrativno-tehnički referent treba da ima najmanje SSS, poznavanje rada na administrativnim poslovima i poznavanje rada na računaru, a angažovan je na neodređeno vrijeme i sa punim radnim vremenom.

Član 38.

Prava, obaveze i odgovornosti, zaposleni u Uredu Udruženja/Udruge ostvaruju u skladu sa Zakonom o radu i Kolektivnim ugovorom.

Član 39.

VII-3 NADZORNI ODBOR

Nadzorni odbor bira Skupština iz redova članova Udruženja/Udruge na prijedlog Upravnog odbora na period od četiri godine. Po isteku mandata, Skupština može obnoviti mandat. Nadzorni odbor se sastoji od 5 članova, a čine ga Predsjednik, Potpredsjednik i tri člana.

Nadzorni odbor vrši kontrolu materijalno-finansijskog poslovanja u skladu sa Programom rada i zakonskim propisima. Sastaje se jednom ili dva puta godišnje, poslije izrade i predaje Izvještaja o finansijskim rezultatima poslovanja Udruženja/Udruge.

U pisanom obliku izvještava Skupštinu i Upravni odbor o rezultatima nadzora.

Nadzorni odbor će donijeti Poslovnik kojim se bliže uređuje način rada i donošenje odluka na sjednicama Nadzornog odbora.

Član 40.

Svi organi Udruženja/Udruge donose odluke u skladu sa Poslovnikom i Statutom. Odluke su pravosnažne ako su donijete običnom većinom prisutnih glasova članova.

VIII - ORGANIZACIJA

Član 41.

Programske aktivnosti i zasebne projekte Udruženje/Udruga će obavljati i posredstvom radnih grupa i drugih oblika djelovanja koji se mogu organizirati prema potrebama i interesima članstva.

Član 42.

U Udruženju/Udruzi se mogu osnovati Pododbori ili grupacije po osnovu djelatnosti. Pododbori ili grupacije donose Poslovnike o svom radu, kojim se bliže uređuje način rada i donošenje odluka i koji moraju biti u skladu sa Statutom i drugim aktima Udruženja/Udruge.

Administrativnu podršku rada Pododboru ili grupacija obezbjeđuje Ured Udruženja/Udruge.

IX – FINANSIRANJE UDRUŽENJA

Izvori sredstava

Član 43.

Imovinu Udruženja čine:

- a) Prihodi od članarine;
- b) Dobrovoljni prilazi i pokloni fizičkih i pravnih lica;
- c) Sredstva dodijeljena iz budžeta;
- d) Drugi prihodi stečeni u skladu sa zakonom i Statutom.

Član 44.

Odluke o prihodima i rashodima donosi Upravni odbor Udruženja/Udruge, u skladu sa Finansijskim planom i Programom rada Udruženja/Udruge.

Materijalno-finansijsko poslovanje Udruženja/Udruge vodi se po važećim zakonskim propisima.

Upravni odbor može donijeti pravilnike i druge opće akte kojima bliže uređuje način sticanja i raspoređivanja sredstava.

X - INFORMISANJE I KOMUNICIRANJE

Član 45.

Rad svih organa Udruženja/Udruge je javan.

O stavovima, zaključcima i odlukama članstvo se redovno informiše putem cirkularnih obavijesti koje svaki član dobija na svoju adresu, elektronskim ili poštanskim putem.

Član 46.

Svaki član Udruženja/Udruge ima pravo da, na svoj usmeni ili pismeni upit u pogledu bilo kojeg pitanja iz rada organa Udruženja/Udruge, primi odgovor u traženoj formi i u najkraćem mogućem roku. Izuzetak od ovog principa su ona obavješetenja koja se smatraju poslovnom tajnom, a sva pitanja informisanja uredit će se prema Poslovniku kojeg usvaja Upravni odbor Udruženja/Udruge.

XI – ZASTUPANJE UDRUŽENJA

Član 47.

Udruženje/Udrugu zastupa i predstavlja Predsjednik Upravnog odbora.

Član 48.

Upravni odbor može donijeti odluku kojom će ovlastiti i druga lica koja će u određenim slučajevima zastupati Udruženje/Udrugu.

Odlukom iz predhodnog stava Upravni odbor će utvrditi i ovlaštenja, odnosno ograničenja ovlaštenog lica u zastupanju Udruženja/Udruge.

XII PRESTANAK RADA UDRUŽENJA/UDRUGE

Član 49.

Udruženje/Udruga prestaje postojati:

- a) Odlukom Skupštine Udruženja/Udruge;
- b) Ako broj članova bude manji od zakonski propisanog minimuma za rad Udruženja/Udruge;
- c) Ako rad Udruženja/Udruge zabrani nadležni organ.

Član 50.

Na osnovu odluke Skupštine Udruženje/Udruga se može udruživati u saveze ili pripojiti, razdvojiti ili transformisati u drugo Udruženje/Udrugu.

Član 51.

Upravni odbor donosi Plan likvidacije Udruženja/Udruge, kojim se utvrđuje raspored imovine, prava i obaveze Udruženja/Udruge u skladu sa Statutom Udruženja/Udruge. Upravni odbor imenuje jednog ili više likvidatora Udruženja/Udruge čija je dužnost da se stara o izvršenju Plana likvidacije i koji je ovlašten da zastupa Udruženje/Udrugu u postupku likvidacije i u podnošenju zahtjeva za prijavu prestanka rada Udruženja/Udruge nadležnim organima.

Član 52.

U postupku likvidacije Udruženja/Udruge iz imovine Udruženja/Udruge izmirit će se sve dospjele zakonske obaveze, kao i obaveze nastale prema drugim povjerenicima Udruženja/Udruge, a eventualna preostala imovina rasporedit će se na članove Udruženja/Udruge srazmjerno njihovom doprinosu u plaćanju članarine u toku predhodne 3 godine.

XIII – PRELAZNE I ZAVRŠNE ODREDBE

Član 53.

Promjene ovog Statuta provode se istovjetnim postupkom njegovog donošenja, a prema inicijativi članstva ili organa Udruženja/Udruge.

Član 54.

Statut, odluku o izmjenama i dopunama Statuta i druge opće akte potpisuje Predsjednik Skupštine Udruženja/Udruge ili u njegovom odsustvu zamjenik Predsjednika Skupštine Udruženja/Udruge.

Član 55.

Danom stupanja na snagu ovog Statuta prestaje da važi Statut Udruženja poslodavaca komunalne privrede u FBiH, od 19.02.2003. godine i Odluka o izmjeni člana 6. Statuta br.112/05. od 15.04.2005. godine.

Ostali upisi u registru upisani pod registarskim brojem 319 knjiga i registra dana 13.12.1999. godine izvršeni po rješenju broj 04-05-2-3706/99 od 13.12.1999. godine i 04.08.2003. godine, ostaju nepromijenjeni.

Član 56.

Mandat izabranih članova Upravnog i Nadzornog odbora, kao i Predsjednika Upravnog i Nadzornog odbora, izabranih na Izornoj Skupštini održanoj 30.09.2012. godine, nastavlja se do naredne Izborne Skupštine Udruženja/Udruge koja treba da se održi u 2016. godini.

Član 57.

Ovaj Statut stupa na snagu danom donošenja na sjednici Skupštine Udruženja/Udruge.

PREDSJEDNIK SKUPŠTINE

Lučić Matija, dipl.ing. s.r.

Broj protokola: 277/14.
od 18.09.2014. godine